

Uff dyße ungegrunte unde unformlich antwort Hennigks haben dy heren von steten yn lossen entweichn, sich underreth, ynn wyderumbe gefordtet unde durch eren Michel Munczner lossen reden, das er nicht den klynsten, vill wyniger den grusten punct der angesthalten klage gar nichts het vorantwort, ym dorbey befolen, dy hern
 5 des rots ouch dy eldesten unde sunderlich perßon unanzugeben (*sic*) unde unberet zu lossen, wo nicht, ßold er wissen, das sy den erbarn rot der stat Camencz mit rot, leyb unde gut nichts wolden lossen. Doruff hot Hennigk gebeten, yn ßeyne zceyt auß (alß baß zur nachfolgende khöre) ym rotssthull lossen zu siczen. Doruff ym dy heren von steten nichts zugesaget, szunder sich mit dem rot underret unde yr wolmeynung erczalt,
 10 dyweyl es eyn korcze zceyt, ßegen^o) ßy es nicht vor unbeqwem ahn, das man yn alßo ryschs^p) ßeyner eren nicht entseczt, der fruntschafft zu eren, ouch das man nicht bederfft sagen, dy heren von steten understhunden sich, yn dy stete zu zcin, dy heren der rette zu entsetzen, unde mit angehangen, ßy wolden dys nicht außgesatzt haben, ßunder eyn erbar rot noch yrem abscheyt wurd sich wol wissen zu halden ꝛc.

15 Dornoch hot eyn erbar rot vorß beste bfunden, das der heren von steten wolmeynung nicht wurde abgeschlagen, unde haben Hennigken ßeyner fruntschafft zu ehren ßeyne zceyt auß lossen siczen, unde dornoch im xviii. jor der miner zcall eintrechtiglich beschlossen, das Hennigk von wegen der erczalten unde noch folgenden stugken seyn leben lang zu keynem burgermeister, rotheren noch eldesten der stat Camencz nicht er-
 20 koren noch erwelt ßal werden, unde dys zu eynem ewigen gedechtnis ynß statbuch haben lossen vorzeigen. Actum anno ut supra.

231.

*Die Brüder von Kroko auf Liebenau erneuern den von ihrem Vater Hans beim Kauf des Gutes ausgestellten Revers, wonach dasselbe bei einem etwaigen Wiederverkauf zuerst vor anderen dem
 25 Rathe zu Kamenz solle angeboten und überlassen werden.* 1517 Juli 18.

Hdschr.: Or. Pap. Stadtarchiv Kamenz No. 284 mit aufgedrucktem S. unter Papiertektur. Im Schild drei in's Schächerkreuz gestellte Wecken. Umschrift: S. Hans von Kroko.

Wir hernach geschriben, mit nahmen Jorge, Frederich, Hans, Henrich unnd Frantcz von Kroko gebrüder zu Libenaw || gesessen, bekennen —, szo unßer vater Hans
 30 von Kroko, dem got gnade, sich keynn eym erbarn rahte der stat Camencz verscriben, inen das dorff Libenaw, ßo er das verkewffen wolt, forderlicher dan andern anzubieten unnd kawffsweiße zusthen lassen, das wir solch dorff Libenaw, ßo es vormals gemeiner stat Camencz gewest unnd unßer vater von eym erbarn rathe kawfft, szo uns das feyle wurde unnd verkewffen wolden, gnannten rahte zu Camencz wollenn anbieten unnd
 35 verkewffen vor andern, das wir gedachte brüder gereden unnd geloben inkrafft diß unsers uffin briefes, demnach wir das ouch wissen tragen, das solchs im kawffe zugesagt ist wurdin dem erbarn rahte der stat Camencz. Czu urkunde unnd vehster haldung habin